

Preaseisiúint le dáileadh ar na Ballstáit

# Beidh Rialachán Adhmaid nua an AE ag teacht i bhfeidhm san Aontas Eorpach

Tiocfaidh Rialachán Adhmaid nua an AE (EUTR) chun cur i gcoinne trádála neamhdhleathaí in adhmaid i bhfeidhm i ngach tír den AE ar an 3ú Márta 2013. Leis an reachtaíocht seo a bhainfidh le gach duine atá ag gabháil do thrádáil adhmaid cuirfear cosc le hadhmad a lománaíodh go neamhdhleathach a chur ar an margadh Eorpach. Iarracht is ea é seo ar dhul i ngleic le lománú adhmaid neamhdhleathach ar fadhb é atá ag dul in olcas ar fud an domhain.

Sa dlí seo a bhaineann le hadhmad agus táirgí adhmaid allmhairithe agus leo siúd a táirgeadh sa bhaile araon, leagtar síos nósanna imeachta nach mór dóibh siúd atá i mbun trádála cloí leo d'fhonn an baol go n-úsáidí adhmaid neamhdhleathach a laghdú an oiread agus is féidir. Ciallaíonn sé seo go mbeidh ar **oibreoirí** – is é sin, iad siúd a chuireann táirge adhmaid ar mhargadh an AE i dtosach – tréaniarracht a dhéanamh, de réir córas dícheallachta cuí, ar chinntiú gur adhmaid dleathach é an t-adhmaid atá á thrádáil acu. Ina theannta sin tá de cheangal ar **thrádálaithe** – is é sin, iad siúd a dhíolann nó a cheannaíonn adhmaid atá ar an margadh cheana – eolas leordhóthanach a choinneáil i dtreo gur féidir an t-adhmaid a bhíonn á thrádáil acu a rianú gan stró. Ní beart teorann é an Rialachán, áfach, agus ní dhéanfar seoltaí a sheiceáil ag teorainneacha an AE.

Clúdaíonn an rialachán adhmaid (EUTR) réimse fairsing táirgí<sup>1</sup>, idir pháipéar, laíon agus adhmaid dílis agus úrlarlach. Dá bhrí sin tá an rialachán mar chuid d'iarrachtaí leanúnacha atá á ndéanamh ag tíortha Eorpacha chun dul i ngleic le fadhb na lománaíochta neamhdhleathaí. Tá iarmhairtí tromchúiseacha ag an gcleachtas ó thaobh eacnamaíochta, comhshaoil agus cúrsaí sóisialta de. Ní hamháin go bhfuil ceangal idir é agus dífhoraoisiú agus athrú aeráide ach baineann sé an bonn ó shaothrú agus shlí bheatha oibreoirí dlísteana. De bhreis air seo d'fhéadfadh sé cur le coinbhleachtaí maidir le talamh agus acmhainní. Tríd an Rialachán i gcoinne na faidhbe seo a chur i bhfeidhm imreoidh do thír tionchar

ar chleachtas foraoiseachta san Eoraip agus mórthimpeall an domhain agus cabhróidh sí chun deireadh a chur le lománaíocht neamhdhleathach.

Nótaí don eagarthóir:

1. Tá téacs iomlán an rialachán adhmaid (EUTR) a ghlac Parlaimint na hEorpa agus an Chomhairle an 20 Deireadh Fómhair 2010 agus a chuirfear i bhfeidhm i ngach tír den AE an 3 Márta 2013 ar fáil anseo: <http://eur-lex.europa.eu/LexUriServ/LexUriServ.do?uri=CELEX:32010R0995:GA:NOT>
2. De réir an Rialachán Adhmaid (EUTR), is é atá i gceist le lománaíocht neamhdhleathach ná baint adhmaid ar shlí a sháraíonn dlíthe nó rialacháin na *tíre ina mbaintear* é.
3. Comhlíonann adhmaid nó táirgí adhmaid ag a bhfuil ceadúnas bailí **FLEGT** (Forfheidhmiú an Dlí, Rialachas agus Trádáil i dtaca le Foraoisí) nó cead bailí **CITES** (Coinbhinsiún maidir le Trádáil Idirnáisiúnta i mbaol) riachtanais an Rialacháin cheana féin.
4. Ní baineann an Rialachán le daoine a cheannaíonn nó a dhíolann adhmaid nó táirgí adhmaid chun a n-úsáide pearsanta féin (seachas críocha tráchtála).

1 Tá táirgí athchúrsáilte agus páipéir chlóbhuailte ar nós leabhar, irisí agus nuachtán ar chuid den adhmaid agus na táirgí adhmaid nach mbaineann an reachtaíocht seo leo. Tá liosta de na táirgí ar fad a mbaineann an Rialachán Adhmaid (EUTR) leo ar fáil in Iarscríbhinn an Rialacháin.